

N 08/2020

24.03..2020

საქართველოს ოკუპირებული ტერიტორიებიდან დევნილთა,
შრომის, ჯანმრთელობისა და
სოციალური დაცვის მინისტრის მოადგილეს
ქალბატონ თამარ გაბუნias

ქალბატონო თამარ,

მოგახსენებთ, რომ ფსიქიკურ ჯანდაცვაში მომუშავე კლინიცისტებისა და ფსიქიკური
ჯანდაცვის სერვისის მენეჯერების ფართო ჩართულობით შემუშავდა რამდენიმე
რეკომენდაცია და მოსაზრება, რაც კორონავირუსის გავრცელების შენელებას შეუწყობს
ხელს.

ამ რეკომენდაციების განხორციელებისთვის და სერვისების კოორდინირებული
მუშაობისთვის სამინისტროს ხელშეწყობა აუცილებელია, ვინაიდან მუშაობის ახალი
სტილი შესაძლოა გარკვეულ წინააღმდეგობაში მოვიდეს არსებულ რეგულაციებთან.

რეკომენდაციები სტაციონარგარეშე სერვისებისთვის (ამბულატორია და მობილური
გუნდი):

1. გაფართოვდეს სატელეფონო კონსულტაციები;
2. მედიკამენტურ რემისიაში მყოფ პაციენტებს მედიკამენტები მიეწოდოს 2 ან 3
თვის მარაგით;
3. შეძლებისდაგვარად, ვიზიტები განხორციელდეს წინასწარი ჩაწერით;
4. ჩატარდეს დაწესებულებების დეზინფიცირება;
5. სათანადოდ აღიჭურვოს მედპერსონალი და ჩაუტარდეთ შესაბამისი ტრენინგები;
6. შეიზღუდოს სამუშაო საათები;
7. ხელი შეეწყოს ბინაზე ვიზიტებისთვის პერსონალის სატრანსპორტო საშუალებით
უზრუნველყოფას;
8. მომზადდეს პაციენტებისთვის საინფორმაციო ბუკლეტები კორონავირუსთან
დაკავშირებით, სადაც მითითებული იქნება, თუ ვის უნდა მიაკითხოთ დაინფიცირების
შემთხვევაში;

რეკომენდაციები სტაციონარებისთვის:

1. ჩაუტარდეთ დამატებითი ინსტრუქტაჟი და ტრენინგები სტაციონარში მომუშავე
მედპერსონალს ახლადშემოსული პაციენტის იზოლირების წესების დაცვასთან
დაკავშირებით.

2. გასათვალისწინებელია, რომ ინფრასტრუქტურული პრობლემების გამო, ბევრ ფსიქიატრიულ სტაციონარს არ აქვს ახლადშესული პაციენტის სრულად იზოლირების პირობები. შესაძლოა, საჭირო გახდეს ეპიდემიოლოგიებისა და ინფექციონისტების მხრიდან დამატებითი რეკომენდაციების შემუშავება ასეთი დაწესებულებებისთვის.

აღნიშნული რეკომენდაციების განხორციელებისთვის აუცილებელია:

1. გადაიხედოს სერვისების გლობალური ბიუჯეტით თვიური დაფინანსების პრიციპი და მედიკამენტებისთვის 35%-იანი თვიური ბიუჯეტის მაგივრად განისაზღვროს წლიური 35%-იანი ბიუჯეტი.

2. გამარტივდეს მედიკამენტებისა და სხვა აღჭურვილობის შესყიდვის წესი კონსოლიდირებული ტენდერების საშუალებით.

3. სახელმწიფო დაწესებულებებს მიეცეს უფლება, რომ შეისყიდონ მეორადი ავტომობილები. სამწუხაროდ, ამჯერად მხოლოდ ახალი ავტომობილის ყიდვის უფლება აქვთ სერვისებს, რაც მნიშვნელოვნად ართულებს და აძვირებს სატრანსპორტო საშუალებების შეძენას ბინაზე ვიზიტებისთვის.

4. მოხდეს მედპერსონალისთვის ტრენინგების უზრუნველყოფა.

5. ორგანიზება გაეწიოს ფსიქიკური ჯანდაცვის სპეციალისტების და ინფექციონისტებისა და ეპიდემიოლოგიების კოორდინირებულ მუშაობას.

პატივისცემით,

ა.ზურაბაშვილის სახელობის

საქართველოს ფსიქიატრთა

საზოგადოების თავმჯდომარე



/კაკა ჭყონია/